

Dengdan

Roja yekşemê 26 Gulan 2019 hilbijartinên ji bo Parlamentoya Ewrûpayê tê li darxistin.

Val 26 maj 2019

EUROPAPARLAMENTET



Kê/Kî dikare deng bide?

Heger hemwelatîyê Swêdê yî û li nifûsa Swêdê qeyda te heye yan jî hebûye, wê demê mafê te yê dengdanê heye. Herweha mafê te yê dengdanê heye; heger ku tu hemwelatîyê yebk ji welatên Yekîtiya Ewrûpayê yî, li nifûsa Swêdê qeyda te heye û te xwe di lîsteya hilbijêran de nivîsandîye. Herî dereng roja hilbijartinê divê te emrê 18 salî tije kiribe.

Kesên mafê wan yê dengdanê heye karta dengdanê werdigirin

Tu yê ku xwedî mafê dengdanê yî, dê ji te re sê hefte berya hilbijartinê bi rêya posteyê karteke dengdanê bê şandin. Li ser karta dengdanê nav, adres û demên mesayîyê yê lokala hilbijartinê ya te hatîye nivîsandin. Herweha pêşniyaza lokalên ji bo dengdana pêşdemî [förtidsröstning] jî li wir hene. Heger karta dengdanê ya xwe wenda bikî dikarî yeka nû li cem şaredarî (beledîye) yan jî Daîreya Hilbijartinê ya Navendî (Valmyndigheten) sparîş bikî.



Pisûleya dengdanê

Pisûleya hilbijartinê li hemû cîyên dengdanê û li cem partîyan hene.

Dengê xwe bide partîyek

Berya her tiştî tu dengê xwe didî partîyekê. Navê partîyê li ser pisûleyê hatîye nivîsandin. Heger nikarîbî pisûleya partîya xwe peyda bikî dikarî navê partîyê li ser pisûleyeke hilbijartinê ya vala binivîsînî. Bi awayeke xuya û zelal binivîsîne.

Dengdana kesan

Heger dixwazî namzedekê xisûsî ya partîyê bê hilbijartin, wê demê dikarî di pisûleyê de çeprazek li çargoşeya li pêş navê namzedê xêz bikî. Tu dikarî tenê namzedek çepraz bikî. Herweha dikarî bi vî awayî jî dengê kesî bidî: navê partîyê û namzed li ser pisûleyeke vala binivîsîne û dengê xwe bide.

Dengdan

Roja 26 gulanê di lokala hilbijartinê ya xwe deng bide

Tu tenê dikarî li wê lokala hilbijartinê ya ku navê wê li ser karta hilbijêran ya te hatîye nivîsandin dengê xwe bidî. Lokala hilbijartinê tenê roja hilbijartinê vekirî ye. Dema li lokala hilbijartinê ya xwe deng didî navê te yê di lîsteya (kutuka) hilbijêran de tê çeprazkirin û dengê te dixin nav sendoka hilbijartinê.

Li şaredariya xwe yan jî li şaredariyêke din pêşdemî dengê xwe bide

Tu dikarî li seranserê welat li hemû lokalên dengdanê pêşdemî dengê xwe bidî. Dengdana pêşdemî derdora sê hefte berya roja hilbijartinê dest pê dike û hetanî dawîya roja hilbijartinê berdewam dike. Agahiyên li derbarê ka li kîjan cî û deveran dikarî pêşdemî dengê xwe bidî li cem şaredariya xwe yan jî li ser malpera www.val.se dikarî peyda bikî.

Dema dengê xwe pêşdemî didî divê karta hilbijêran [röstkort] ya xwe bi xwe re bibî.



Valmyndigheten

Ji derveyê welêt dengê xwe bide

Heger tu li derveyê welêt î, dikarî bi rêya posteyê dengê xwe bidî yan jî li cem gelek balyozxane û konsolosxaneyên swêdî dengê xwe bidî. Ji bo karibî bi rêya posteyê deng bidî divê tu ji Daîreya Hilbijartinê ya Navendî [Valmyndigheten], şaredarî, balyozxane û konsolosxaneyan materyalên xisûsî sparîş bikî.

Alîkarîya ji bo dengdanê

Dengdana bi rêya wekîlek

Heger ji ber nexweşî, kêmanîyên fonksiyonî yan jî temenê bilind nikarî bi xwe biçî lokala hilbijartinê, wê demê dikarî bi rêya wekîlek deng bidî. Herweha heger li nezaretxane yan jî li girtîgehê yî dikarî bi rêya wekîlek deng bidî. Ji bo dengdana bi rêya wekîlekê divê tu ji şaredarî yan jî Daîreya Hilbijartinê ya Navendî materyaleke xisûsî sparîş bikî.

- Ev kes dikarin wekîl bin:
- mêr, jin yan jî hevjin[sambo]
- zarok, nevî, dêûbav yan jî xûşk û birayê mêrî, jinê yan jî hevjinê
- kesên ku bi awayeke pişeyî lînenêna te dîkin yan jî di meseleyên şexsî de alîkarîya te dîkin
- xebatkarên li nezaretxane yan jî girtîgehan

Wekîl divê bi kêmasî 18 salî be û karibe karteke nasnameyê ya xwe nîşan bide.

Wergirê dangan yê gerok (seyyar)

Heger ti kesek ku ji te re bibe wekîl nasnakî, wê demê şaredarî dikare wergirek dangan ku tê mala te peyda bike. Ji bo agahîyên zêdetir bi şaredarîya xwe re têkilî deyne.

Divê tu nasnameya (hewiyeta) xwe îspat bikî

Ji bo karibî deng bidî divê tu nasnameya xwe îspat (piştrast) bikî. Heger wergirên dangan te nasnakî divê tu belgeyê nasnameyî yê wekî karta ajotinê (ehlîyet) yan jî pasaport nîşan bidî. Heger belgeya nasnameyî ya te tunebe kesek dînkare nasnameya te tesdîq bike. Lê wê demê divê ew kes karibe belgeyê nasnameyî ya xwe nîşan bide.

Teqwîma hilbijartinê ya Yekîtiya Ewrûpayê ya 2019

11 nîsan	Tarîxa herî zû ya ji bo şandina dangan bi rêya posteyê ji derveyê welêt
26 nîsan	Mafê dengdanê ya te, li ser bingehê agahîyên di qeyda nifûsê ya Daîreya bacê, tê xuyakirin
2 gulan	Tarîxa herî zû ya dengdana ji balyozxane û konsolosxaneyên swêdî yê li derveyê welêt
8 gulan	Dengdana pêşdemî li Swêdê dest pê dike
26 gulan	Roja hilbijartinê